



UNDANG-UNDANG MALAYSIA

Akta A554

**AKTA BAHASA KEBANGSAAN (PINDAAN
DAN PERLUASAN) 1983**

Tarikh Persetujuan Diraja ... 11hb Mei 1983

Tarikh diterbitkan dalam *Warta* ... 12hb Mei 1983

UNDANG-UNDANG MALAYSIA

Akta A554

AKTA BAHASA KEBANGSAAN (PINDAAN DAN PERLUASAN) 1983

Suatu Akta bagi meminda Akta Bahasa Kebangsaan 1963/67, dan bagi memperluaskan kuatkuasa Akta itu, sebagaimana dipinda, ke semua bahagian dalam Malaysia.

(13. 5. 1983)

MAKA INILAH DIPERBUAT UNDANG-UNDANG oleh Duli Yang Maha Mulia Seri Paduka Baginda Yang di-Pertuan Agong dengan nasihat dan persetujuan Dewan Negara dan Dewan Rakyat yang bersidang dalam Parlimen, dan dengan kuasa daripadanya, seperti berikut :

1. Akta ini bolehlah dinamakan Akta Bahasa Kebangsaan (Pindaan dan Perluasan) 1983 dan hendaklah dipakai di seluruh Malaysia. Tajuk ringkas dan pemakaian.

2. Seksyen 1 Akta Bahasa Kebangsaan, 1963/67, yang disebut "Akta ibu" dalam Akta ini, adalah dipinda— Pindaan seksyen 1. Akta 32.

(a) dengan memotong noktah yang terdapat selepas sahaja perkataan-perkataan "1963/1967" dalam subseksyen (1) dan menambah yang berikut :

"dan hendaklah, tertakluk kepada subseksyen (2), dipakai di seluruh Malaysia.";

(b) dengan menggantikan perkataan-perkataan "tidak di-pakai bagi Malaysia Timor" dalam subseksyen (2) dengan yang berikut :

"hendaklah mula berkuatkuasa di Negeri-Negeri Sabah dan Sarawak pada tarikh-tarikh yang ditetapkan oleh Pihak-Pihak

Berkuasa Negeri masing-masing, melalui enakmen Badan Perundangan Negeri masing-masing dan tarikh-tarikh yang berlainan boleh ditetapkan bagi mula berkuatkuasanya peruntukan-peruntukan yang berlainan dalam Akta ini di Negeri-Negeri itu"; dan

- (c) dengan menggantikan perkataan-perkataan "Tajuk ringkas dan pemakaian." dalam nota birai dengan perkataan-perkataan "Tajuk ringkas, pemakaian dan mula berkuatkuasa."

Pindaan
seksyen 5.

3. Seksyen 5 Akta ibu adalah dipinda—

- (a) dengan menggantikan noktah bertindih yang terdapat selepas sahaja perkataan-perkataan "mengikut mana yang berkenaan" dengan noktah; dan
- (b) dengan memotong proviso di dalamnya.